

**Bosna i Hercegovina  
Federacija Bosne i Hercegovine  
Zeničko-dobojski kanton  
OPĆINA VAREŠ  
OPĆINSKO VIJEĆE**



**Broj: 01- 232 /10  
Vareš, 29.11 2010. godine**

Temeljem članka 12. stavak 1., 3. i 4. i članka 116. stavak 2. Zakona o vodama Zeničko-dobojskog kantona ( "Sl. novine Zeničko-dobojskog kantona broj 17/07" ), te članka 22. Statuta općine Vareš br. 01-25/09 od 29.01.2009. godine, Općinsko vijeće Vareš, na 23. sjednici održanoj dana 29.11.2010. godine, d o n o s i

**O D L U K U**  
**o povjeravanju na upravljanje i korištenje vodovodâ pitke vode Mjesne zajednice  
Ravne Javnom komunalnom poduzeću d.o.o. Vareš**

**I.**

Vodovodi Mjesne zajednice Ravne koji se opskrbljuju pitkom vodom sa izvorišta Studenac(kod Zubeta), Zubetsko Vrelo, Ravanjsko Vrelo i Studenac(kod Mačka) povjeravaju se na upravljanje i korištenje JKP d.o.o. Vareš i služit će za potrebe vodoopskrbe stanovništva Mjesne zajednice Ravne.

**II.**

Javno komunalno poduzeće d.o.o.Vareš će upravljati vodovodima na području Mjesne zajednice Ravne na način propisan Odlukom o vodovodu i kanalizaciji Općinskog vijeća Vareš broj 01-101/10 od 05.05.2010 godine.

**III.**

Ova odluka stupa na snagu osmog dana od dana objavljivanja na oglasnoj ploči Općine Vareš a primjenjivati će se od dana tehničkog prijema vodovoda Studenac(kod Mačka),Studenac(kod Zubeta) i Zubetsko vrelo.

**PREDSJEDAVAJUĆI  
OPĆINSKOG VIJEĆA**

**Josip Malbašić**

Ova odluka objavljena na oglasnoj ploči Općine Vareš dana 30.11.2010. godine.

**OPĆINSKI NAČELNIK**

**Hamdo Fatić**

**O B R A Z L O Ž E N J E**  
**Odluke o povjeravanju na upravljanje i korištenje vodovoda pitke vode Mjesne zajednice Ravne Javnom komunalnom poduzeću d.o.o. Vareš.**

U članku 12. stavak 3. Zakona o vodama Zeničko-dobojskog kantona ( Sl. novine Ze- do kantona br.17/07”) stoji: „Vlasnici vodnih objekata iz stavka(1) i (2) ovog članka pravo upravljanja i korištenja mogu prenijeti na pravne osobe ustanovljena prema propisima o komunalnoj djelatnosti i to samo na pravne osobe u vlasništvu države“.

U članku 12. stavak 4. stoji:“Vodni objekti iz članka 9. stavak(1) točka 3. alineja 1. i točka 4. ovog zakona što su ih za svoje potrebe izgradila pravne ili fizičke osobe u njihovom su vlasništvu i one brinu o upravljanju tim objektima“.

U članku 116. stavak 2. stoji:“ Svi mjesni vodovodi koji služe za opskrbu vodom za piće preko 500 stanovnika mogu se, uz saglasnost njihovog vlasnika, u roku od 5 godina od dana stupanja na snagu ovoga zakona predati na upravljanje komunalnom poduzeću iz ove djelatnosti u općini na čijem se prostoru nalazi taj vodovod.“

Izgradnja i rekonstrukcija vodovoda za MZ Ravne sa izvorišta Studenac(kod Zubeta), Zubetsko Vrelo, Ravanjsko Vrelo i Studenac(kod Mačka) se finansira iz kantonalnog i federalnog proračuna kao i donatorskim sredstvima i sredstvima mještana a sastavni dio ovih vodovoda su i postojeći vodni objekt koji su u ranijem periodu izgrađeni vlastitim sredstvima građana.

Mjesna zajednica Ravne je donijela Odluku br.04/10 od 16..04.2010. godine da se vodovodima za MZ Ravne sa izvorišta Studenac, Zubetsko Vrelo i Ravanjsko Vrelo predaju na upravljanje i korištenje Javnom komunalno poduzeće d.o.o.Vareš.

Na 21. sjednici Općinskog vijeća održanoj 03.08.2010. godine nije usvojena gore navedena Odluka.

Nakon neusvajanja Odluke, od strane CRS je 09.08.2010. godine na adresu Općinskog vijeća, Općinskog načelnika i MZ Ravne stiglo obavještenje o privremenom obustavljanju ugovora na rehabilitaciji i izgradnji vodovoda u naseljima Ravne i Zubeta u dijelu koji implementira CRS.

Takođe je od strane MZ Ravne je 09.08.2010. godine na adresu Općinskog vijeća i Općinskog načelnika dostavljen zapisnik sa sastanka savjeta MZ Ravne u kojem se od Općinskog vijeća Vareš traži hitno donošenje Odluke o povjeravanju na upravljanje i korištenje poduzeću JKP Vareš, kako bi bila otklonjena prepreka za nastavak radova na započetim vodovodima, a sve radi trajne ,kvalitetne i uredne opskrbe vodom stanovnika ove MZ.

Člankom 119. Poslovnika o radu Općinskog vijeća Vareš br.01-109/9(prečišćeni tekst) je definisano da „Ako je prijedlog odluke ili drugog akta OV odbijen zbog toga što je ocijenjeno da nema uslova i potrebe za njenim donošenjem, prijedlog se može ponovo podnijeti nakon isteka roka od tri mjeseca, ako OV ne odluči drugačije“.

Obzirom da je istekao rok od 3 mjeseca stekli su se uslovi za ponovno stavljanje Odluke na dnevni red kako bi se ispoštovala volja građana MZ Ravne kao i otklonuli nespornosti koji su izazvali neusvajanjem ove Odluke.

Obzirom na naprijed navedeno, predlaže se Općinskom vijeću da usvoji Odluku u predloženom obliku.

**PREDLAGAČ:**  
**OPĆINSKI NAČELNIK**

**Hamdo Fatić**

